

# Kōlablok Kapeel ibben Rijerbal



## Abnōnō ko

Ej oktak melele ko an armij ilo Oregon. Elablok an loñ armij im ejino wōr oktak in armij. Ñan tōbare oktak eo ej lablok, aikuj an wōr rijerbal ro remaron lelok jerbal in jibañ ko ilo manit im kajin ko remaron lelok kōmadmōdin jibañ. Mennin elabtata an aurok ñan ro rej lelok jerbal in jibañ ko ikijen ejmour im ñan armij.

Kakien ko, joñan ko im katak in kaminene ko rej kwalok oktak kein remaron jibañ kōmmāne rijerbal ro elablok aer maron kōtōbrak aikuj ko an jukjukinbed ko an state – elabtata jukjukinbed ko an Rikilmej, Armij ro lukkun aer bwidewj ko, armij ro rejab mouj kilier im American Indian/Alaska Native.

Ñan ro rej jokwe ilo jikin ko rettolok ak ro ewōr aer utamwe, emaron dik ien ko ñan ekal im kōmman jāān. Ñan kōmman ien jerbal ko ejellok kalijeklok, Healthier Together Oregon (HTO) ej kajeoñ in lale abañ ko im kōmman ekeelel ko an jelālokjen eo utiejlok im jerbal ko kin kolla ko remaron mour kaki ñan aoleb Armij in Oregon.

## Wāween ko ñan Kajimwe

Bebe ko ñan kōmman im kejbarok rijerbal ro remaron lelok kōmadmōdin jibañ ilo manit im kajin ekoba:

- Aikuj katak in kaminene kin wāween an armij kalikar im kwalok ñe rej kora ak emmaan ñan aoleb ro rej lelok jerbal in jibañ ikijen ejmour im jibañ ñan armij
- Kōjejjet kūtien joñan ko ñan kōlablok rijerbal im rej lale kalijeklok im kōkmanmanlok aer lelok jerbal in jibañ ko rej lelok melele kin uwōta ko emōj iooni im jibañ in kōmadmōd ikijen manit im kajin
- Jibañ kein jerbal ko rej lelok wāween lelok jibañ in ejmour ko jet ilo jikin ko rettolok

HTO ej bukot wāween an kōlablok wāween madmōd ko ñan jibañ armij im joñan ko ñan kōlablok rijerbal im rej lale kalijeklok im rōjañ an joñan wōt ñan aoleb.

HTO ej jibañ bebe ko an rijerbal im rej lale an eiet rijerbal ro rej lelok jibañ ilo jikin ko rettolok im lale aikuj ko ñan an rijerbal ro rej lelok jerbal in jibañ im remelele kajin im manit ko an armij ro rej jibañ. Melelein mennin ej lelok katak in kaminene ñan ro rej lelok jerbal in jibañ ñan kadiklok kalijeklok im melele kin jibañ eo emōj kōmelele kin uwōta ko rar iooni im bareinwōt jibañ kōlablok rijerbal in ejmour jen etto. Rijerbal in ejmour ro rej itōk jen jukjukinbed ko aer remaron lelok jerbal in jibañ ko raurok im kōlablok joñan an state eo lelok jibañ in kejbarok.




# HTO: Juon Bebe in Kōmmene Juon Oregon eo Emmonlok

Ejmour Ibben Doon (Healthier Together Oregon, HTO) ej juon kein jermal eo ekajur ñan kōkmanmanlok an ejellok kalijeklok ñan aoleb armij in Oregon. Einwōt an kar COVID-19 lukkun kalikar, ejab joñan wōt juon an aoleb armij maron mour ilo aer jab nañinmij. Armij ro rejab mouj kilier, armij ro edik kolla ko aer, armij ro rej kalikar rej LGBTQ+, rilikin ro emōj aer emakūt ñan aelon eo im ro emōj aer jool jen aelon ko aer, armij ro ewōr aer utamwe im ro rej jokwe ilo jikin ko rettolok ilo state eo rej ioone abañ ko ebwe aer elab kin kalijeklok ko ilo jikin ko armij rej bed im mennin aikuj ko emōj likūt im rej jelōt ejmour ko an armij.

Kinke ejmour im ainemmon ko an armij rej ekkar ñan eloñ men ko, HTO ej kalikar eloñ bebe ko roktak, im ilo ien aer lale im kōjejjēt kūtien ibben doon, remaron kōkmanmanlok mour ko an aoleb ro rej jokwe ijin.

HTO ear jutak ñan kōjellā kin Bebe in Kōkmanmanlok Ejmour ko an Armij ro ilo Jukjukinbed im bareinwōt

aurok, burokraam, im joortoklik ko an opij im doulul ko. Ej kabok eloñ jikin ko roktak im rej jermal ibbeir jen jikin ko roktak im rej bar tiljek kin kōtōbar kein raurok. Jikin kein ekoba jibañ in ejmour, ritel ro rej kelet, jikin jermal ro, armij ro rej lelok jibañ, ial in ito tak, kōjermal bwidej im bebe, jikin ejmour ko an state, bwij, im jukjukinbed, jimwe kin ruprup kakien im kabin kakien, doulul ko rej bed ilo jukjukinbed, doulul ko an kabuñ, ro rej lelok jermal in jibañ ikijen imōn jokwe im ñan armij im jelālokjen.



## Jermal Ibbamim

Kim ej kajeoñ in kobalok ibben ro jet rej tiljek in kōkmanmanlok an ejellok kalijeklok kin ejmour ilo Oregon. Ñan melele ko relablok ak ñan kebaak kim:



### WEBSITE

[healthiertogetheroregon.org](http://healthiertogetheroregon.org)



### EMAIL

[publichealth.policy@state.or.us](mailto:publichealth.policy@state.or.us)



### KOBATŌK ILO AM JUON JIKIN EO JENAJ JERMAL IBBEN DOON

[healthiertogetheroregon.org/potential-partner](http://healthiertogetheroregon.org/potential-partner)



### YOUTUBE

[bit.ly/3jvkuAE](https://bit.ly/3jvkuAE)



**Healthier Together Oregon**

[healthiertogetheroregon.org](http://healthiertogetheroregon.org)

Juon kōtōbar an Oregon Health Authority